



儀禮經傳通解

二十三

2.18
1.021
14





儀禮經傳通解卷第二十三

公食大夫禮第三十九 邦國禮四之上

食音嗣○鄭目錄曰主國君以禮食小聘大夫之禮○疏曰鄭知是小聘大夫者案下文云宰夫自東房薦豆六於醬東設黍稷六簋又設庶羞十六豆此等皆是下大夫小聘之禮下乃別云上大夫八豆八簋又云上大夫庶羞二十豆是食上大夫之法故知此篇據小聘大夫也若然聘禮據侯伯之大聘此篇據小聘大夫者周公設經互見為義案篇末云魚腸胄倫膚若九若十有一下大夫則若七若九鄭注云此以命數為差九謂再命者十一謂三命者七謂一命者九或上或下者再命謂小國之卿次國之大夫也卿則曰上大夫則曰下大夫之孤視子男以此言魚腸胄倫膚皆七者謂子男小聘之大夫此公食序在聘禮之下是因聘而食之不食賓與

儀禮經傳通解卷第二十三

信在系在通角
聘使上介直云大夫者若云食賓與上介則小聘使下大夫上介乃是士是以直云大夫兼得大夫聘賓與上介亦兼小聘之賓若然聘禮據大聘因見小聘後言大聘者欲見大聘小聘或先或後不常之義

經九注曰公食於五禮屬嘉禮大戴第十小戴第十六別錄第九

公食大夫之禮○使大夫戒各以其爵

告之必使同班敵者易以相親敬○易以反○疏曰此篇雖據子男大夫為正兼見五等諸侯大聘使卿之上介出請入告問所以事故云各以其爵也
○為于偽反下為既為從為公為賓同○疏曰大夫至賓館之門外賓使上介出請大夫所為來三辭賜不敢當○疏曰聘日已受饗之事
○為于偽反下為既為從為公為賓同○疏曰大夫至賓館之門外賓使上介出請大夫所為來三辭賜不敢當○疏曰聘日已受饗之事
籛大禮故今辭食不敢當之受饗之時禮辭而已至於饗食皆當三辭

賓出拜

辱辱來迎已大夫不答拜將命不答拜為使人

也 賓再拜稽首受命大夫還復於賓不拜送遂

從之飲酒主人拜送賓不答拜云禮有終此

賓不拜送為從之不終事若然鄉飲酒鄉射戒賓遂從之而云拜辱拜送者以其主人先反不相隨故得拜辱拜送觀禮使者勞賓於門外侯氏再拜遂從之使者既不先反猶拜送者尊天
賓朝服即位于大門外如聘於朝服
則初時玄端如聘亦入于次侯○疏曰云如聘者則賓主設摯介以相待如聘時也云於
是朝服則初時玄端者謂賓初在館拜所戒大夫即玄端賓遂從至君大門外入次乃去玄端著朝服出次即位不若聘禮重賓發館即皮弁也云亦入於次侯者亦如聘時侯主人辦也

右戒賓賓從

○記不宿戒

以食禮輕也此所

前期三日之戒申戒為宿謂前期一日○
疏曰大射前期三日宰夫戒宰及司馬又
少牢辟人君有前期一日之宿此雖人君
禮以食禮輕與鄉飲酒鄉射禮同當日為
之故皆不言日數下注云食賓之朝夙
與戒之賓則從戒而來不復召是也
戒

大門外西方北面立

凡賓車不入門廣敬也

將至下而行而後車還立于西方賓及位而
止北面卿大夫之位當車前凡朝位賓主
之間各以命數為遠近之節也○疏曰云
凡賓即朝中道而往者內則云男子由右
女子由左車從中央故賓乘車中道云車
還立于西方者小儀云僕於君子始乘則
式君子下行然後還立于西方卿外云賓及位而
俟其去是還立于西方卿外云賓及位而

止北面者玉藻云賓立不當門彼亦謂聘
使也云卿大夫之位當車前者大行人云
上公立當軹侯伯立當前疾子男立當衡
又云大國之孤朝位當車前者則卿大夫
立亦與孤同節兼云大夫者小聘曰問
使下大夫立與孤同當車前者故連言也
云凡朝位賓主之間各以命數為遠近之
節者大行人云上公朝位賓主之間九十
步侯伯七十步子男五十步注云朝位謂
大門外賓下車及王車出迎所立處又云
凡諸侯之卿其禮各下其君一等以下及
大夫士皆如之是臣亦各依其君命數而
降之故鄭摠以
命數言之也

即位具

主人也擯者俟君於大門外卿大夫

外○疏曰君迎賓入始言卿大夫以下廟內
之位則知此具饌物時皆在廟門外也故下
注云自卿大夫至此不先即位從君而入者
明助君饗食賓自無事故不在大門內是其

義定定多侯反○肉謂之羹羹定猶熟也若

之節目甸人陳鼎七當門南面西上設高鼎

若束若編編必綿反○七鼎一大牢也甸人

其為賓統於外也高鼎扛所以舉之者也凡

鼎鼎蓋以茅為之長則束本短則編其中央

今文高作鉉古文鼎皆作密○疏曰聘禮致

食禮輕無鮮魚鮮腊與聘禮腥一牢鼎七同

也天官有甸師氏兼有甸人皆屬冢宰享人

職云掌共鼎鑊甸師職云掌帥其徒以薪蒸

役外內饗之事諸侯比天子不備官故使甸

人兼享人陳鼎也鼎鼎諸文皆不言所用之

物此經雖言若束若編亦不指所用之體鄭

以茅是潔白之物故設洗如饗必如饗者先

擬用之而云蓋也設洗如饗必如饗者先

近者也饗禮亡燕禮則設洗小臣具槃匱在

於阼階東南古文饗或作鄉小臣具槃匱在

東堂下一匹以支反○為公盥也公尊不就洗

疏曰夏官小臣職云小祭祀賓客饗食如大

僕之法此諸侯之聘客饗食故亦小臣掌之

也宰夫設筵加席几設筵於戶西南面而左

設清醬可以略此○疏曰云設筵於戶西

而左几者以其實在戶牖之間南面又生

人左几異於神右几故也云公不賓至授几者

親授几者以無設清醬之事故也無尊主於

故下記云不授几鄭云異於醴也無尊主於

於觶加于豐是也此云奠即彼加也云飲酒先言飲明非獻酬之酒也者以其鄉飲酒燕禮等獻酬之酒皆不言飲飲之可知此擬酌白故言飲是異於獻酬酒故也云漿飲先言漿別於六飲也者按漿人云共王六飲水漿醴涼醫酏彼先云六飲後云水漿與此先云漿不同故云先云漿別於六飲必別於六飲者彼六飲為渴而飲此漿為酌口故異之凡宰夫之具饌于東房凡非一也飲食之具在凡中者雖無尊猶嫌在堂○疏曰以其酒漿常在堂若不特言之則凡中不食之言謂酒漿仍在堂故上特言之

右陳器饌○記不投几異於醴也○疏曰決禮實時公親授也無作席公不亭于門外東方必於門外也事也東方者主陽○疏曰按上經甸人亭人之等亭人是士官不得言大夫之事言

大夫之事者解亭在門外之禮也燕禮注云亭於門外臣所掌也言臣亦是大夫事少牢廩饗饗饗皆在門外亦大夫事特牲云主婦視饗饗饗于西堂下者以其無廩人主之故在內若然鄉飲酒雖是大夫之司事以其取祖陽氣之始故亦於門內

宮具几與蒲筵常緇布純加荏席尋玄帛

純皆卷自末司宮大宰之屬掌官廟者也丈六尺曰常半常曰尋純緣

也荏細韋也末經所終有以識之必長筵者以有左右饌也今文荏皆為莞○疏曰燕禮注司宮天子曰小宰與此不同其義則一蓋彼是設尊故以小宰解之此設几席故以太宰之屬解之按大宰之下有司官人掌官中除汗穢之事即此司宮彼不言設几席者以天子具官別有司几筵又有小宰諸侯兼官故司官兼司几筵及小宰也云丈六尺曰常半常曰尋者此皆無正文按周禮考工記云車有六等之數云軫

崇四尺謂之第一等又云戈長六尺六寸既建而進之崇於軫四尺謂之第二等入長八尺崇於人四尺謂之三等及長尋有四尺尺謂之五等首尋尋有四尺崇于戰四尺謂之六等自軫至元皆以四尺為差以是約之即知尋尋是丈六尺尋是八尺也云崔細韋者以類言之其實全別此崔又與莞席無異物為記但織之自有首尾可為記識耳云必以長筵者以有左右饌者實在戶牖之間南面正饌在左庶羞在右雖不在席上皆陳於席前當席左

宰夫筵出自東房
筵本在房宰夫敷之也天子諸侯左在房宰夫敷之而已天子諸侯左右房以其言東房對西房若大夫士直有東房而已故直云在房也

公如賓服迎賓于大門內

不出大門降於國君○疏曰周禮司

儀云將幣交擯二辭車逆拜辱賓車進答拜又云致饗餼饗食皆如將幣之儀是國君來則出也**大夫納賓**
納賓以公命也**賓入門左公**

再拜賓辟再拜稽首

左西方賓位也避遠公適不敢當君拜也

揖入賓從

道之**及廟門公揖入**
廟禰廟也○疏曰儀禮之

內單言廟者皆據禰廟昏禮納米云至于廟記云凡行事必用昏昨受諸禰廟是也若非禰廟則言廟祧若聘禮云不腆先君之祧問卿云受于祖廟之類是也但受聘在祖廟食饗在禰燕輕於食饗**賓入三揖**
每曲揖及當又在寢是其差次也

至于階三讓

讓先升○疏曰曲禮云客若降後客復就西階此亦降等初即就西階者此君與客食禮禮之正彼謂大夫士以小燕

食之禮故與此不同也 公升二等賓升遠下人君○疏

臣行也 大夫立于東夾南西面北上東夾南

也取節於夾明東於堂○疏曰此謂主國卿大夫立位序西為正堂序東有夾室立于夾

室之南是東於堂也 士立于門東北面西上統於門者非其正位

辟賓在此此○疏曰燕禮大射士在西方東面北上不統於門今在門東西上賓東統於君

而統於門者以賓在門西 小臣東堂下南面辟賓在此非正位故也

西上宰東夾北西面南上宰宰夫之屬也古文無南上○疏曰

宰在北堂之南與夾室相當故云夾北也云宰宰夫之屬者以經云南上則非止一人下

文宰夫之官皆在其內亦於此立可知但宰尊官反在小臣之下者以其小臣位在北堂

南故先見之非謂內官之士在宰東北西面尊卑先後為次也

南上

夫人之官內宰之屬也自卿大夫至此不先即位從君而入者明助君饗食

自無事○疏曰周禮天官內宰下大夫掌王后已下彼天子內官諸侯未必有內宰以其

言內官之士以士為之明當天子內宰故鄭舉內宰況之也前聘時君迎客于大門內時

卿大夫已下入廟即位者受聘事重非饗食之事故先入廟即位此已下雖有宰及宰夫

者皆有事及大夫七牲士庶羞之等 介門西皆助君食賓非已之事故後入也

北面西上

西上自統於賓也然則承擯以下於賓而西上則擯統於君而東上可知承擯

以下既是有事之人又是大夫尊於士故知少進東上不言上擯者上一

擯有事其位不定故不言 右迎賓即位

公當楣北鄉至再拜賓降也公再拜楣謂之梁至再

按疏 終降 二字 顛倒 當作 降終

拜者興禮侯賓嘉其來也公再拜賓降矣○

疏曰至再拜者公方一拜賓即降公再拜者

賓降後又一拜雖一拜本當再拜故皆以再

拜言之猶下宿幣之時公一拜賓降公再拜

注云賓不敢侯成拜也鄭云公再

拜賓降矣者謂至再拜則賓降也

北面答拜西階東少就主君敬也○疏曰答

公降一等間在二階之中又辭而賓猶終降

再拜稽首知者以下文賓栗階升不拜是已

拜於下也擯者辭拜於下之時

其位在下故下記云卿擯由下

拜也公降一等辭曰寡君從子雖將拜興也

賓降再拜公降擯者釋辭矣賓

猶降終其再拜稽首興起也

拜自以已拜也栗寔栗也

○疏曰於堂下終為再拜稽首故於堂上不

拜也云栗寔栗也者謂疾之意也云不拾級

連步者曲禮云拾級聚足連步以升上鄭注云

涉級聚足謂前足躡一級後足從之併此涉

級也連步謂足相隨不相過也其連步據足

而言涉級據階而說其實一也此等尋常升

法此栗階據趨君命而上按燕禮記云凡君

所饗皆栗階注云栗寔也謂越等急趨君命

也又曰凡栗階不過二等注云其始升猶聚

足連步越二階左右足各一發而升堂是栗

階之法也云不拾級而下曰是者凡升降有

四種云是者君臣急諫諍則越三等為是階

越一等為是階又有栗

階又有連步為四等也

再拜稽首賓降拜主君離之賓雖終拜於主

孔子云拜下禮也今拜乎上泰也是以上文

主君雖離賓猶終拜於下盡臣之禮為成拜

而主君之意猶以為不成故命之升

成拜賓遂主君之意故升更拜也

右拜至○記卿擯由下此謂上擯擯詔賓

主升降周
還之事

士舉鼎去鼎於外次入陳鼎于碑南南面西上

右人抽肩坐奠于鼎西南順出自鼎西左人

待載古文待為持○疏曰次入謂序入也

雍人以俎入陳于鼎南旅人南面加匕于鼎

退旅人雍人之屬旅食者也雍人言入旅人

匕俎每器一人諸侯官多也○疏曰云旅人

雍人之屬者即燕禮云尊士旅食于門西鄭

云鼎序入雍正執一匕以從雍府執四匕以

大夫長盥洗東南西南面上序進盥退者與

進者交于前奉盥序進南面七

長ハ以ス長幼也

洗南○疏曰按鄉飲酒鄉射賓盥北面則此

大夫亦皆北面可知云長幼也者若燕

禮云命長之類皆據長幼也載者西面載者左

為長不謂衆中之長者也載者西面人也亦

序自鼎東西面於其前大夫七則載之○疏

曰前云左人待載其時鼎東南面今大夫鼎

北面南七之左人當載故序自鼎東西面於

其前矣俎正當鼎南則載者在鼎南稍東也

魚腊餗餗也食禮宜孰饗有腥者○疏曰

定之中故此特著魚腊餗以食禮尚孰故皆

樂記云大饗而有腥也腥也載體進奏也奏謂皮膚

之理也進其理本在前下大夫八體七介○疏

曰三牲與腊皆載體直言體不辨體形及數

射記皆云云右胖進膳則此亦用右胖肩膈臂
 肫肫脊脊骨可知既用右胖則左胖為庶羞其
 庶羞者此下大夫十六豆上大夫二十豆是
 也若致致及歸歸饗餼腥鼎皆無庶羞鄉飲酒
 鄉射燕禮大射雖同用狗一牲以其享享亦
 皆有庶羞也云云進其理本在前者此謂生人
 食法故進本謂近上者若祭祀則進末少
 牢云進下鄭云**魚七縮俎寢右**進鬻也乾魚
 變於食生是也疏曰縮縱也魚在俎為縱於
 進腴多骨鯁○疏曰縮縱也魚在俎為縱於
 人亦橫賓在戶牖之間南面俎則東西陳之
 魚在俎首在右腹腴鄉南鬻脊也進脊在北
 鄉賓是取脊少骨鯁者以優賓也若祭祀則
 進腴以鬼神尚氣腴者氣**腸胃七同俎**以其
 之所聚故少牢進腴是也此俎實凡二十一
 也不異其牛羊腴賤也此俎實凡二十一
 疏曰牛羊同是畜類又其腹腴賤故略之同
 俎也此牛羊各有腸胃各七四七二十一八
 也但此腸胃與牲或同鼎俎或別鼎別俎

何者據此下文七鼎腸胃與牲別鼎別俎是
 其正法取其鼎俎奇也少牢五俎腸胃與牲
 同鼎者以其有鮮獸若腸胃別鼎則六不得
 奇故并腸胃與牲同鼎有司微亦然此腸胃
 七者以其與牲體別鼎故取數於牲亦七少
 牢并腸胃於牲鼎故云腸胃三取數於脊
 膾各三也賓尸禮殺於正祭故腸胃倫
 胃各一既夕盛奠故腸胃五也**倫膚七**理
 也謂精理滑脆者今文倫或作論○疏曰倫
 膚謂豕之皮革為之但此公食大夫為賓用
 為美故膚與腸胃皆別鼎俎特牲腥有二三鼎
 魚腊不同鼎故膚從牲同鼎有司微雖同少
 牢亦止三鼎而已羊豕魚皆一鼎故膚還從
 於牲鼎也又此膚與牲體之數亦七而少牢
 膚九者此食禮故膚從牲體數少牢大夫之
 祭膚出下牲故取數於牲之體而九也**腸**
胃皆橫諸俎垂之順其在牲之性也腸胃
 得在牲而垂膚亦言順牲之性者從多而言
 云垂及俎拒者少牢云腸胃三胃三垂及俎拒

是也大夫既七七奠于鼎逆退復位事畢宜由也
載者又待設俎○疏曰上文云士舉鼎又云
左人待載下文云士設俎于豆南是載者又
待設俎可也

右鼎俎入

公降盥將設賓降公辭辭其卒盥公壹揖壹

讓公升賓升揖讓皆壹殺於初宰夫自東房

授醢醬授授公也醢醬以醢和醬○疏曰蒲

正饌於中席已東庶羞於中席已西按歸饗
餼醢醢別知此不別而以醢和醬者此經所
陳物異者皆別器此醢醬下但言醬不別言
醢明以醢和醬可知祭祀無此法以生人尚
有之藜味故公設之饌本賓辭北面坐遷而東

遷所東遷所莫之東側其故處○疏曰云東

遷之辟君設處側公立于序內西鄉不立作

親饌○疏曰君之行事皆在作階上今以設

賓立于階西疑立疑正立也自定之貌今文

宰夫自東房薦豆六設于醬東西上韭

菹以東醢醢昌本昌本南麋麋以西菁菹鹿

麋醢醢有醢昌本昌蒲本菹也醢有骨謂
之麋菁莛菁菹也今文麋皆作麋○疏曰
周禮醢人朝事之豆八此用其六彼注云醢
肉汁也昌本昌蒲根也又云細切為菹全物
若膳為菹菹之稱菜肉通此經言菹不言
麋者菹菹鹿麋通而言之菹亦得為菹
也莫菁即

士設俎于豆南西上牛羊豕魚在

牛南腊腸胃亞之

亞次也。不言絳錯，俎尊也。○絳，則耕反。○疏曰：上設

豆，絳陳之。下設黍稷，錯陳之。此設俎，不絳，不錯者，尊故也。膚以為特，與腸胃東也。特，膚者，出下牲賤也。○疏曰：豕在牛羊之下，為賤，膚豕之所出，故特之於俎東也。

旅人取匕甸人舉鼎順出奠于其所也

謂當門。○疏曰：前旅人，以匕入於鼎，退於出。今還使之取匕，前士舉鼎入，今不使舉鼎出者，以下其土，載訖遂設俎於賓前。事未畢，故甸人舉鼎而出也。

六簋于俎西二以並東北上黍當牛俎其西

稷錯以終南陳並併也。今文曰併。大羹湑不

和實于鐙宰右執鐙左執蓋由門入升自阼

階盡階不升堂授公以蓋降出入反位大羹湑

肉汁也。大古之羹，不和。无鹽菜，瓦豆謂之鐙。宰謂大宰，宰夫之長也。有蓋者，饌自外入為風塵。今文湑為汁。又曰：入門自阼，階無升。○疏曰：宰位在東夾北，西面南上。今以蓋降，出送於門外，乃更入門，反於東夾北，位也。大羹不和，質也。銅羹則調之，以鹽菜。云宰謂大宰，宰夫之長者，以單言宰，諸侯三卿無大宰，以司徒兼大宰。大宰之下有宰夫，故云宰夫之長也。

公設之于醬西賓辭坐遷之亦東遷所。○疏曰：醬既東

遷所，今於醬西遷之，明亦東遷所移之，故醬處也。

宰夫設鉶四于豆

西東上牛以西羊羊南豕豕以東牛鉶，菜和

○疏曰：下記云：牛，藿羊，若豕，薇是菜和羹。以此鉶盛之也。據羹在鉶，言之謂之鉶羹。據器言之謂之鉶，正鼎之後設之謂之陪。飲酒

實于觶加于豐豐，所以承觶者。宰夫右執觶

也。如豆而卑。

也。如豆而卑。

也。如豆而卑。

左執豐進設于豆東

豆食有酒者優賓也設于

凡莫者於左○疏曰云食有酒者優賓也者
按下文宰夫執漿飲賓興受唯用漿醋口不
用酒今主人猶設之是優賓也燕禮主人奠
於薦左賓不飲取奠於薦右此酒不用故亦
奠於豆東酒義雖異不舉是同然無凡莫者
於左之文鄭注蓋引鄉飲酒鄉射記文而轉
寫者之宰夫東面坐啓筵會各卻于其西

蓋也亦一合卻之各當其筵之西○疏曰
云亦一合卻之者卻者仰也筵蓋有六兩
兩皆相重而仰之謂之卻合故云一合
之各當其筵之西為兩處亦者亦少牢故少
牢云佐食啓會蓋一以重設于敦南也

右設正饌○記贊者盥從俎升

事○疏曰
豆亦從下升不言從者贊者不佐祭豆直
佐祭俎也經云三牲之肺不離贊者辯取

之壹以授賓是黍稷亦贊祭不從升者黍
稷設之在後故也黍稷雖後升先祭者以
其先食黍稷後食肉故也

上贊下大夫也

上謂堂上擯
贊者事相近

以佐上劍芼牛霍羊苦豕薇皆有滑藿豆
下為名

苦苦茶也滑葦苴之屬今文苦為芼○疏
曰士虞記云劍芼用苦若薇有滑夏用葵
冬用苴鄭注云苴葦類也乾則滑夏秋用
生葵冬春用乾苴此經云皆有滑不言所
用之物故取彼記解之云
之屬者其中兼有葵也

贊者負東房南面告具于公

而負東房南面者

欲得鄉公與賓也○疏曰經直云負東房南
知負房戶而立者以公在東序內賓在戶西
雖告具于公且欲使賓聞之故知
於房近西是以云得鄉公與賓也

公再拜揖
食賓再拜揖賓降拜答公公辭賓升再拜稽首

不言成拜賓升席坐取韭菹以辯擣于醢上

豆之間祭擣猶漆也于替者東面坐取黍實于

左手辯又取稷辯反于右手與以授賓賓祭

之取授以右手便也賓亦與受坐祭之於豆

不坐○疏曰此所授者皆謂遠賓者道醢及

銅皆不言授者以其近賓取之易也按曲禮

云穀之序辯祭之故知雖不授亦祭之也經

直云祭知祭之於豆祭者按少牢云尸取韭

菹辯授于三豆祭于豆間故也云獨云贊與

優賓者欲見賓坐而不與是優賓其實俱與

也引少儀者欲見贊與賓亦與三牲之肺不

離替者辯取之壹以授賓肺不離者割之也

也此舉肺不離而割之便賓祭也祭肺者

絕肺祭也壹猶稍也古文壹作一○疏曰少

儀云牛羊之肺離而不提心鄭云提猶絕也

割離之不絕中央少者此即為食而舉肺也

少牢云舉肺一長終肺祭肺三皆切之是祭

肺切舉肺不切也此肺雖不離而割之與祭

肺同其實舉肺故不言割將祭之時則絕末

而祭之與祭肺異也凡舉肺有二名一名離

肺亦名舉肺祭也賓興受坐祭於是云賓興受

亦每肺興受挽手扱上銅以擣辯擣之上銅

祭於豆祭之間祭扱以柄扱其銅菜也扱拭也拭以巾

於餘者餘祭於上豆之間此銅別自祭銅間

云扱拭也扱以巾者案內則左佩紛悅悅即

佩巾而云扱拭拭手以巾似悅不名巾者本

名悅者以拭手為名其實名巾故鄭舉其實

稱也此有四銅而云扱上銅辯擣則唯有一

銅優賓故用一柄而已少牢二銅祭神故宜

各有祭飲酒於上豆之間魚腊醬酒不祭祭

也義禮經傳通考卷一百一十五

者非食物之盛者○疏曰魚腊酒醬非盛者
在正饌之內故不祭若入庶羞則祭之下文
辯取庶羞之大與下以投賓賓受兼豈祭之
少儀云祭膳膳註為大魚肉之饗是亦祭之
也

右賓祭正饌

宰夫授公飯梁公設之于階西賓北面辭坐

遷之既告具矣而又設此殷勤之加也遷之

西者以其加饌與庶羞並列也○疏曰知遷之而

下文宰夫膳稻于梁西是以梁在東為上下也

公與賓皆復初位設醬時立于序內賓立

梁西膳猶進也進稻梁者以簋○疏曰知進

按儀字祭二
臘作祭
臘

梁將食乃設去會於房蓋以幕上云設黍稷

也士羞庶羞皆有大蓋執豆如宰羞進也庶

珍味可進者也大以肥美者特為饗所以祭

也魚或謂之臘臘大也唯醢醬無大如宰如

其進大羹清右執豆左執蓋○疏曰云皆有

謂之臘臘大也者有司微云尸俎五魚備主

祭也云唯醢醬無大者鄭注周禮醢人作醢

之法先膊乾其肉乃後莖之雜以梁麴及鹽

漬以美酒塗置錒中百日後成矣何先者反

之由門入升自西階庶羞多羞人不足則相

疏曰反之者以其庶羞十六豆羞人不足故

先至者反取之下文云先者一人升設於稻

南其人不可反則此云先者反先者一人升設

之謂第已為先者也

于稻南簋西間容人

簋西黍稷西也必言稻

豆併也間容人者賓當從間往來也○疏曰稻與庶羞俱是加稻在黍稷西近北庶羞繼而南陳俱在黍稷正饌之西是不與正豆併也賓當從間往來則下文賓左擁簋梁右執酒以降公辭升反

旁四列西北上

饌者雖加奠于其所是也

自是禮是所謂羹中別○疏曰曲禮云左殺右載彼云殺骨體也此肉謂之羹亦一也殺為正饌載謂切肉則庶羞分置左右此亦正饌在東庶羞在西間容人是中別也

脚以東臠腍牛炙

脚臠腍今時臠也牛曰脚炙曰臠豕曰腍皆香美之

名也古文脚作炙南醢以西牛載醢牛鮪先設之香臠作薰

鮪注云以有醢不得絳也與此違者大汎醢配載是其正而醢卑于載今牛羊豕載皆在

醢下者直是絳之次非尊卑之列特牲以一有醢若絳之當醢在載上不成錯故不得絳少牢四豆羊豕載醢故鮪南羊炙以東羊載醢得絳而錯與此同也

豕炙炙南醢以西豕載芥醬魚膾芥醬芥實

日膾春用葱秋用芥衆人騰羞者盡階不升堂授以蓋

降出授騰當作騰送也

右設加饌○記簋有蓋幕

稻梁將食乃設去會於房蓋以

幕幕中也今文或作幕○疏曰簋蓋相將故欲會於敦南簋盛稻梁將食乃設故鄭云去會于房蓋以幕至於陳設幕亦去之經云有蓋幕者據凡炙無醬已有三鹹和出房未設而言

欲解儀禮一部之內牛羊豕炙皆無醬云已有一和者若今人食炙然

贊者負東房生備于公復告庶羞具贊升賓

以公命命賓升席○疏曰前設饌訖贊者告具于公公再拜揖食此使贊升賓者以其禮殺故也是以上文正饌為先拜賓賓坐席末

取梁即稻祭于醬清間即就也祭稻梁不以豆祭祭加宜於加○

疏曰下文云賓三飯以清醬注云每飯歡清以肴搗醬食正饌也又云不以清醬注云不以復用正饌也則此清醬是正饌而云加者以在正饌之上得與正饌為本故名正饌其實

是正饌之加故贊者北面坐辯取庶羞之大

興一以投賓賓受兼壹祭之壹壹受之而兼也自祭之於脚臚之間以異饌也○疏曰壹壹受之而兼一祭之庶羞輕也者決上三牲之脯祭之今此祭庶羞并之故云輕也云云於豆祭而云於脚臚之間以祭宜於加故也

興一以投賓賓受兼壹祭之壹壹受之而兼也自祭之於脚臚之間以異饌也○疏曰壹壹受之而兼一祭之庶羞輕也者決上三牲之脯祭之今此祭庶羞并之故云輕也云云於豆祭而云於脚臚之間以祭宜於加故也

興一以投賓賓受兼壹祭之壹壹受之而兼也自祭之於脚臚之間以異饌也○疏曰壹壹受之而兼一祭之庶羞輕也者決上三牲之脯祭之今此祭庶羞并之故云輕也云云於豆祭而云於脚臚之間以祭宜於加故也

興一以投賓賓受兼壹祭之壹壹受之而兼也自祭之於脚臚之間以異饌也○疏曰壹壹受之而兼一祭之庶羞輕也者決上三牲之脯祭之今此祭庶羞并之故云輕也云云於豆祭而云於脚臚之間以祭宜於加故也

興一以投賓賓受兼壹祭之壹壹受之而兼也自祭之於脚臚之間以異饌也○疏曰壹壹受之而兼一祭之庶羞輕也者決上三牲之脯祭之今此祭庶羞并之故云輕也云云於豆祭而云於脚臚之間以祭宜於加故也

興一以投賓賓受兼壹祭之壹壹受之而兼也自祭之於脚臚之間以異饌也○疏曰壹壹受之而兼一祭之庶羞輕也者決上三牲之脯祭之今此祭庶羞并之故云輕也云云於豆祭而云於脚臚之間以祭宜於加故也

右賓祭加饌

賓降拜拜庶公辭賓升再拜稽首公荅再拜

賓北面自間坐左擁篲梁右執涪以降自間也

兩饌之間也擁抱也必取梁者公所設也公辭

賓西面坐奠于階西東面對西面坐取之栗

階升北面反奠于其所降籬公

公敬也必籬公者為其尊而親臨已食侍食贊者之事○疏曰云成其意者謂成其食降階下之意故奠乃對此決下文大夫相食賓執梁與涪之西序端主人籬賓反之而不奠

也公許賓升公揖退于箱箱東夾之前侯事

雅有東西廂曰廟其夾皆在序外故也知是侯事之處者以此文公揖退于廂而侯賓

儀禮經傳通考卷之十七

食即從事無事擯者退負東塾而立無事賓坐遂卷

加席公不辭贊者以告公公聽之重來優賓

西若不告公何以知之明知贊者告公也

公來則勞賓不來則賓不勞故不來者所以

優也饒賓三飯以清醬每飯飲酒以有搗醬食

主人延客食裁然後辯殺與此不同者此為

禮食故先食殺彼大夫士與客燕食則先食

皆食以清醬皆祭舉食舉也注云皆食食黍

也以用也用者謂敵清而醬而不食殺者此

公食賓禮解體折節明食殺可知彼豚解者

皆不食故不食殺也彼又云三飯卒食注同

年示親不主為食起二飯而成禮故不食殺

也但清言啜淡故也醬言搗鹹故也云不言

其殺優賓者特牲少牢尸食時舉殺皆宰夫

言次第此不言者任賓取之是優賓也宰夫

執解漿飲與其豐以進此進殺也非為卒食

自潔清賓挽手興受解宰夫設其豐于稻西在

東漿在西是所謂左酒右漿○疏曰酒在東

者上飲酒實于解宰夫設于豆東是也漿在

西者即此經設於稻西是也曲禮云酒漿處

右彼注云此言若酒若漿耳兩有之則左酒

右漿庭實設皮賓坐祭遂飲奠於豐上飲

右賓正食

公受宰夫束帛以侑西鄉立東帛十端帛也

君以為食賓殷勤之意未至復發幣以勸之

欲用深安賓也西鄉立序內位也受束帛于

序端○疏曰上文公設醬公立于序內西鄉

此經亦云西鄉立故知亦在序內位也大射

禮公凡受於序端故每云公賓降筵北面以

將有也也北也於西階上○疏曰以君將有也東帛侑食之命故於西階上待之擯者

進相幣為君釋幣賓降辭幣升聽命降辭幣

又命之升聽命釋許辭○疏曰云主國君又命之升知者約聘禮禮賓賓降辭幣公降下

等辭東階升降拜當拜公辭賓升再拜稽首

受幣當東楹北面主國君南面授之當東楹

退西楹西東面立侯主國君送幣也退不負

拜貳賓三退負序不言辟者以執圭將進授

之此公拜送幣賓在階西不負序者以將降

故公壹拜賓降也公再拜賓不致敢介逆出以

事異賓北面揖執庭實以出揖執者公降立

反介受賓幣從者訝受皮從者府史之屬

拊受○疏曰此子男小聘使大夫士介一人而亡此時已受賓幣故知訝受者非士介是府史之屬也

右侑幣

賓入門左沒雷北面再拜稽首便退則食禮

嫌更入行拜若欲從此退○疏曰云便退則食禮未卒不退則

自以終食禮若便退則食禮未卒不退則有

食食之嫌是以更入行拜示將公辭止其拜

揖讓如初如初升賓再拜稽首公答再拜

賓拜拜主國君之厚意賓揖介入復位○疏

曰上文云介逆出下更云介逆出明知中間

介復入可知但復入之賓降辭公如初將復

節當此賓入之時也

賓升公揖退于箱賓卒食會飯二飲卒已也

飯三名漱漿也會飯謂黍稷也此食黍稷則初

時食稻粱○疏曰知會飯是黍稷者上文云

宰夫東面坐啓籩各設於其西此云食會

飯故知是黍稷也前賓三飯不云會以其籩

盛稻粱稻粱無會故鄭云此不以醬滫不復

食黍稷則初時食稻粱矣

饌也初時食加飯用正饌此食正飯用庶羞

互相成也後言清或時後用○疏曰上文賓

三飯以清醬注云每飯歡滫以殺擣醬是正

饌稻粱是加此云卒食會飯三飲不以醬滫

鄭意以黍稷是其正庶羞是其加是互相成

也上文賓三飯以清醬先言清後言醬是先

用清此後言清或容前三飯後言醬是先

後用清故作文有先後也

取梁與醬以降西面坐奠于階西示親徹也

非所當得又以已得幣○疏曰云不以出者

者決士昏禮賓取脯出以投從者彼是已所

當得此非特已得幣下文有司卷三牲之

俎歸于賓館亦是已所當得鄭不言三牲而

言俎幣者據已東面再拜稽首卒食拜也

得者而言之

辭○疏曰上文賓受幣幣出更入門左拜其

時辭欲退猶待公留故北面此卒食禮終故

東面公降再拜升堂明禮有終

右卒食

介逆出賓出公送于大門內再拜賓不顧初

揖讓而退不顧退禮略也示難進易退有司

之義損者以賓不顧告公公乃還也

卷三牲之俎歸于賓館卷猶收也無遺之辭

尊盡以歸賓尊之至也歸俎者實于籩它時

有所釋故○疏曰此無所俎而言卷三牲之

俎尸舉牲體皆盛於籩吉凶雖不同無所

俎尸舉牲體皆盛於籩吉凶雖不同無所

是歸於尸三介是有所釋此無所釋故稱卷也彼注云釋猶遺也遺者君子不盡人之歡不竭人之忠也魚腊不與三牲之俎無所釋故也禮之有餘為施惠不言賜胃鷹者在魚腊下不與可知也古文與作

右賓出

明日賓朝服拜賜于朝拜食與侑幣皆再拜

稽首朝謂大門外○疏曰云朝謂大門外者以其經云拜賜于朝無賓入之文又聘禮以極造朝亦無喪入之文也此食禮拜侑幣聘禮歸養餼直言拜養與餼不拜東帛者彼使人致之故不拜此訝聽之受其言入告食禮君親賜故拜之

大夫有士訝○疏曰周禮掌訝大夫有士訝此篇是子男使下大夫小聘故云此下

有士訝也

右拜賜

上大夫八豆八簋六劔九俎魚腊皆二俎公記

食上大夫異於下大夫之數豆加葵菹蜩醢四一四為列俎加鮮魚鮮腊三三為列無特○疏曰云豆加葵菹蜩醢者按周禮醢人朝事之豆云韭菹醢醢昌本麋麇菁菹鹿麇苽菹麋麇上上文下大夫之豆用其六仍有所菹菹今上大夫八豆不以取之而取饋食之豆菹菹蜩醢者按少牢饋食四豆二豆用菹菹醢二豆用韭菹醢注云韭菹醢朝事之豆也而饋食用之豐大夫禮則此公食大夫兼用饋食之豆亦是豐大夫禮也云俎加鮮魚鮮腊者上文下文大夫七俎牛羊豕魚腊腸胃與膾此云九俎明加鮮魚鮮腊云無特者在特于俎東此九俎為三行故無特雖無特

爵亦為下魚腸胃倫膚若九若十有一下大夫則若七若九此以命數為差也九謂再命者也九或上或下者再命謂小國之卿次國之大夫也卿則曰上大夫則曰下大夫國之孤視子男○疏曰云此以命數為差也者按周禮典命公侯伯之卿三命大夫再命士一命子男之卿再命大夫一命士不命則諸侯之臣分為三等再命一命不命與一命同此經魚腸胃倫膚亦分為三等有十一有九有七則十一當三命九當再命七當一命若然惟有上下二文者以公侯伯之大夫與子男之卿同再命卿爵尊為上大夫爵卑為下則上言若九者子男之卿也下言若九者公侯伯大夫也故鄭云卿則曰上大夫則曰下大夫國之孤視子男者此經唯是三命以下故鄭併論及之案周禮典命大國之孤四命又大行人云大國之孤執皮帛以繼子男又云其他皆視小國之君若然孤與子男同十三侯

伯十五上公十庶羞西東毋過四列謂上下七差次可知古文毋為無○疏曰上文云庶羞旁四列此上大夫饌內言庶羞西東毋過四列則東西橫行上下大夫皆四以為行下大夫四四十六東西四行南北亦四行上大夫東西四行南北五上大夫庶羞二十加於下大夫以雉行矣

兔鷓鴣鷓鴣無母○疏曰云鷓鴣無母者按爾雅釋鳥云鷓鴣母郭氏曰斂也青州人呼曰鷓鴣母莊子云田鼠化為鴽淮南子云蝦蟇所化也月令曰田鼠化為鴽然則鴽鷓鴣一物也

右食上大夫禮○記上大夫蒲筵加萑席其純皆如下大夫純謂三命大夫也孤為賓則莞筵紛純加緇席席畫純也○疏曰經云上大夫不辨命數則子男之卿再命其席亦同下大夫鄭言

謂三命大夫者欲見公侯伯之卿三命亦與子男下大夫同公之孤四命其席則異按周禮司几筵云筵國賓于牖前莞筵紛純加纁席畫純與此記三命已下席不同故知彼國賓謂筵也上大夫庶羞酒飲漿也無正文故云則也

飲庶羞可也

於食庶羞宰夫又設酒漿以之食庶羞可也以優賓○疏曰

曰上經云上大夫庶羞二十豆此復記之者欲是上大夫食加飯之時得兼食庶羞其時宰夫更設酒飲漿飲以優賓也拜食與侑幣皆再拜稽首嫌上大夫不稽首也

若不親食

謂主國君有疾病若他故○疏曰疾病之外別云他故者君有死喪

之事故聘禮云主人畢歸禮賓唯饗餼之受謂畢致饗食但賓不受之使大夫各以其爵朝服以侑幣致之執幣以豆實實

于饗陳于楹外二以並北陳盥實實于筐陳于楹內兩楹間二以並南陳

中二也南北相當以食饌同列耳饗北陳者變於食饗數如豆醢芥醬從焉筐米四今文並作併○疏曰云南北相當以食饌同列耳者按上文正食之時黍稷亦南陳今於楹間陳

筐米亦南陳是正食及此饌同列也云饗北陳者變於食者上文正食之時黍稷亦南陳今於楹間陳薦豆六設於醬東西上陳之今於楹間二以併北陳是變於食也菹醢各異物不可同饗

故饗數如豆上大夫八豆則八饗下大夫六豆則六饗庶羞之醢同是醬類故使之相從但庶羞之醢更無別種宜同一饗芥醬宜亦一饗知有芥醬者以其有生魚故也上文上大

大夫八簋全乃生致之黍稷宜各一筐稻粱又二筐故云筐米四庶羞陳于

碑內生魚也魚腊從焉上大夫加鮮魚鮮腊雉兔鶉鴛不陳于堂辟正饌○疏曰上

文魚膾是魚之中膾者皆是生魚也按鄭注周禮云燕人膾魚方寸切其腴以啗所貴是也此則全生不膾何者本膾在豆與臠俱設今臠炙在牲未殺膾全不破可知然庶羞之內衆羞俱有鄭獨云生魚者以其臠羞之牲不殺於此無矣雖有乾腊雉兔之等以生魚爲主也云魚腊從焉者雖無三牲之肉有乾魚腊可知云上大大夫加鮮魚腊兔鶉九鼎加鮮魚鮮腊可知雉兔鶉駕亦生致之矣庶羞本在堂上正饌之西今在碑內故云辟正饌也丕陳於碑南者以其本合在堂今宜近堂故

庭實陳于碑外執乘皮者也不在南者以言歸宜近內○疏曰庭實正法皆參分庭一在南而陳之昏禮記納徵執皮者是也今云碑外繼碑而言是近北矣彼陳於主人之庭擬與賓向外故近南此陳於客館擬與賓入內故鄭云以言牛羊豕陳于門內西方東上歸故在內也

爲其踐注館庭使近外○疏曰上庶羞與庭實在碑之內近內陳之此牛羊豕陳於門內繼門言之是爲其踐汗館庭也若然致饗饋牛羊豕亦在此彼不言者以饗饋有腥有熟其生者近門是其常故略之

賓朝服以受如受饗禮朝服食禮輕也○疏曰歸無償以已

牲○疏曰主君無故速賓在廟行食禮而有幣賓無償法主君有故致食禮并有幣亦不合有償故

明日賓朝服以拜賜于朝誅聽命賜亦謂食侑幣○疏曰上速賓食

右不親食

大夫相食親戒速記異於君者也速召也先就告之歸具既具復自召

之○疏曰經大夫親戒速決君不親戒速以下諸文亦皆異故云記異於君者也云先就

告之歸具既具復自召之者以其戒具兩有皆親為之與鄉飲酒鄉射同故彼二文皆云戒賓既歸布筵設設迎賓于門外拜至皆如饗尊乃親速賓是也

拜饗大夫相饗之禮也今亡古文饗或作鄉降盥受醬清侑幣束皆者謂錦也皆自阼階降堂受授者升一等受醬受

也降堂謂止階上今文無束賓止也主人三從○疏曰上文鄭注皆者謂受醬受清受幣

皆自阼階降此云主人三降即上三者不數主人降盥者按鄉飲所言之降盥者皆為洗爵故賓從降此降盥不為洗爵故鄭不數之聘禮致饗餼賓降堂受老束錦大夫止注云止

不降使之餘尊此賓不降者雖賓主敵以主人降堂不至地故賓止不降也賓執梁與清之西序端不取尊處○疏曰此兩大夫敵故之西序端主人上公食大夫大夫降階下臣卑故也

辭賓反之卷加席主人辭賓反之辭幣降一等主人從從辭受侑幣再拜稽首主人送幣

亦然敵也○疏曰按郊特牲云大夫之臣不稽首七年公會齊侯盟于蒙孟武伯相齊侯

稽首公拜齊人怒武伯曰非天子寡君無所稽首若然臣於君乃稽首平敵相施當頓首

今言敵而稽首者以食禮相尊敬雖敵亦稽首與臣拜辭於主人降一等主人從其臨已若同故也

卒食徹于西序端亦親東面再拜降出亦拜其他皆如公食大夫之禮疏曰云其他

陳設皆不異上陳但禮異者謂親戒速君則不親迎賓公不出此大夫出大門公受醬清幣不降此大夫則降也公食大夫大夫降食於階下此言西序端上公食卷加席公不辭

儀禮經傳通解卷之二十三
此則辭之若不親食則公作大夫朝服以侑
幣致之作使也大夫有故君必使其同爵者
臣賓受于堂無儆與受君禮同○疏曰聘禮
同賓受致饗幣云堂中西北
面注趨主君之命也堂中西中央
之西此雖無儆受幣亦與之同也

右大夫相食禮

公食大夫義第四十 邦國禮四之下

食禮公養賓養賢一也親之故愛之愛之故
養之養之故食之食而弗愛猶養之也愛而
弗敬猶畜之也饗禮敬之至也食禮愛之至
也饗為愛弗勝其敬食為敬弗勝其愛文質

之辨也公使大夫戒必以其爵恭也已輕則
卑之已重則是以其貴臨之也賓三辭聽命
言是禮之貴弗敢當也弗敢當故難進也公
迎賓于大門內非不能至于外也所以待人
君之禮也臣之意欲尊其君子之意欲尊其
父故迎賓于大門內所以順其為尊君之意
也三揖至于階三讓而升堂充其意諭其誠
也於廟用祭器誠之盡也君子於所尊敬不
敢狎不敢狎故神明之神明之故忠臣嘉賓
樂盡其心也大夫立于東夾南西面北上士

立_レ于_レ門東_レ北_レ面西_レ上_レ小_レ臣東_レ堂下_レ南_レ面西_レ上_レ
宰東_レ夾北_レ西_レ面南_レ上_レ內_レ官之士在_レ宰東_レ北_レ西_レ
面南_レ上_レ百_レ官有_レ司_レ備以_レ樂_レ養_レ賢也設_レ筵加_レ席_レ
凡_レ致_レ安_レ厚_レ之_レ義也公_レ設_レ醬然後_レ宰_レ夫薦_レ豆_レ俎_レ
醢_レ士設_レ俎_レ公_レ設_レ大_レ羹然後_レ宰_レ夫設_レ鉶_レ啓_レ簋_レ言_レ
以_レ身_レ親_レ之也賓_レ徧_レ祭公_レ設_レ梁宰_レ夫膳_レ稻_レ士膳_レ
庶_レ羞爲_レ殷_レ勤也賓_レ三_レ飯梁_レ以_レ涪_レ醬以_レ君子_レ之_レ
厚_レ已也賓_レ必_レ親_レ徹有_レ報_レ之道也庭_レ實_レ乘_レ皮_レ侑_レ
以_レ束_レ帛雖_レ備_レ物猶_レ欲_レ其_レ加_レ厚_レ焉也公_レ拜_レ送_レ終_レ
之_レ以_レ敬_レ也_レ有_レ司_レ卷_レ三_レ牲之_レ俎歸_レ于_レ賓_レ館不_レ敢

襲_レ其餘也上_レ大夫八_レ豆八_レ簋六_レ鉶九_レ俎庶_レ羞
二十其餘_レ表_レ見_レ是_レ德_レ之_レ殺也君子_レ言_レ之曰_レ愛_レ
人者使_レ人愛_レ之者也敬_レ人者使_レ人敬_レ之者也
親_レ人者使_レ人親_レ之者也自_レ卑_レ者使_レ人尊_レ之者
也是_レ故公_レ養_レ國賓_レ養_レ賢_レ其_レ義一也未有_レ愛_レ之_レ
敬_レ之親_レ之尊_レ之而其_レ位_レ不_レ安者也未有_レ不_レ愛_レ
不_レ敬_レ不_レ尊_レ不_レ親_レ而能_レ長_レ有_レ其_レ國者也將_レ由_レ乎_レ
好_レ德_レ之_レ君則_レ將_レ怡_レ焉唯_レ恐_レ其_レ不_レ足_レ於_レ禮將_レ由_レ乎_レ
乎_レ驕_レ慢_レ之_レ君則_レ將_レ曰_レ是_レ食_レ於_レ我而已矣故_レ禮_レ
君子_レ所_レ不_レ足_レ小人_レ所_レ泰_レ餘也孔子_レ食_レ於_レ少_レ施

氏將祭主人辭曰不足祭也將殮主人辭曰
不足殮也孔子退曰吾食而飽少施氏有禮
哉故君子難親也將親之舍禮何以哉劉敞補
諸侯相朝禮第四十一 邦國禮五之上

集補經

凡諸侯之邦交歲相問也殷相聘也世相朝
也小聘曰問殷中也久無事又於殷朝者及
而相聘也父死子立曰世凡君即位大國
朝焉小國聘焉此皆所以習禮考義正刑
德以尊天子也必擇有道之國而就俗之
疏曰云小聘曰問者聘禮文故彼云小聘曰
問不享是也大聘使卿小聘使大夫也聘義
王制皆云三年一大聘此不言三年而云殷
者欲見中間久無事及殷朝者來及亦相聘

故云殷不云三年也若然聘義與王制皆云
比年一小聘此云歲相問不云比年者取歲
歲之義也父死子立曰世○諸侯相見必告
是繼世之義也○大行人○諸侯相見必告
于禰疏曰下文云反必親告于祖禰出時朝
宜亦告祖禰為道近故或唯告禰朝
服而出視朝朝服為事故也○疏曰事謂或
會或弔之事諸侯朝服玄冠緇
衣素裳以諸侯朝天子冕而出視朝為將廟
受尊敬天子習其禮故者冕服諸侯相朝雖
在廟受降下天子不敢冕服唯服臨朝聽事
之服熊氏又云此朝服謂皮弁服以天子用
以視朝故謂之朝服論語云吉月必朝服而
朝注云朝服皮弁服是也必知朝服皮弁服
者聘禮諸侯相聘皮弁服明也命祝史告于五
相朝亦皮弁服此義為勝也命祝史告于五
廟所過山川諸侯五廟山川所不過
則不告於適天子也亦命國
家五官道而出反必親告于祖禰乃命祝史

告至于前所告者而后聽朝而入五官五大夫典事者

命者勅之以其職道祖道也反必親告祖禰同出入禮○疏曰案大宰云建其牧立其監設其參傳其伍是諸侯有三卿五大夫出入所告理不容殊而諸侯相見出不云告祖者或道近變其常禮耳故反必親告祖禰以明出入之告其禮不殊也○曾子問○凡

諸公相為賓謂相也主國五積三問皆三辭拜受皆旅擯再勞三辭三揖登拜受拜送積反

後皆同旅如字又音臚力於反○賓所停止則問行道則勞其禮皆使卿大夫致之從來至去數如此也三辭辭其以禮來於外也積於泰山之旅謂九人傳辭相授於上下竟問賓從未上行介還受上傳之玄謂旅讀為鴻臚之臚臚陳之也賓之介九人使者七人皆陳擯位不傳辭也賓之上介出請使者則前

對位皆當其末擯焉三揖謂庭中時也拜送送使者○傳直專反○疏曰積者遣人所云十里有廬廬有飲食三十里有宿宿有委五十里有市市有積是也問者問不恙也勞謂勞苦之云皆使卿大夫致之者案聘禮遣卿行勞禮臣來尚遣卿勞明君來遣卿勞可知此再勞一勞在境一勞在遠郊皆使卿其近郊勞當主君親為之也其積問當使大夫故下句云致致如致積之禮注云俱使大夫禮同也知致致如使大夫者見聘禮宰夫朝服設餼宰夫即大夫問亦小禮明亦使大夫也先鄭以為旅擯與交擯同之後鄭不從者此臣禮云旅擯下文云主君郊勞交擯三辭明其別旅直陳擯介不傳辭交則一往一來傳辭也後鄭謂旅讀為鴻臚之臚臚陳之者案爾雅釋詁云尸旅陳也釋言云豫臚叙也注云皆陳叙也後鄭不從旅大山之旅從臚者欲取叙義也云賓之介九人者自從公介九人之禮云使者七人者自從降二等之禮云皆陳擯位不傳辭以下皆約聘禮主君大門內

迎聘禮之入門揖當曲揖當碑揖是也主君郊

勞交擯三辭車逆拜辱三揖三辭拜受車送

三還再拜主君郊勞備三勞而親之也鄭司農云交擯三辭謂賓主之擯者俱

拜謝辱也玄謂交擯者各陳九介使傳辭也

車迎拜辱者賓以主君親來乘車出舍門而

迎之若欲遠就之然後見之則下拜迎謝其

自屈辱來也至去又出車若欲遠送然主君

三還辭之乃再拜送之也車送迎之節各以

其等則諸公九步立當車軹也三辭重者

先辭辭其以禮來於外後辭辭升堂○疏曰

云備三勞而親之者大行人有三問三勞之

文也先鄭云車逆主人以車迎賓於館也拜

辱賓拜謝辱也後鄭不從者此直是備三勞

既來至國何有輒迎賓於館乎後鄭謂各陳

九介者以其在道俱不為主又非主君從賓

之禮故無三擯之事而各陳九介其位主君

至館大門外北面而陳此九介去門九十步

東面賓在大門內於門外之東亦陳九介西

面云立當車軹也者賓主俱立當軹大行人

文云後辭辭升堂者案鄉飲酒禮主人取爵

降洗賓降主人坐奠爵于階前辭注云事同

曰讓事異曰辭禮升堂是事同不云讓而云

辭者此賓主敵者主人之意欲有受於庭之

心故從事事異曰辭是以下諸公之臣等升堂

皆云讓依事同日讓非敵故聘義云三讓而

後傳命三讓而後入廟門並是異不云辭者

欲取致尊讓之意變文耳又致館亦如之

記文非正經故不為例也致館亦如之

也使大夫授之君又以禮親致焉○疏曰聘

禮云大夫帥至館卿致之以此知先遣大夫

授館也此大夫亦應是卿上主君郊勞此親

致館故知亦如之也凡云致者皆有幣以致

之致之使若致殮如致積之禮俱使大夫禮

已方有然也致殮如致積之禮同也殮食也

小禮曰殮大禮曰饗餼○疏曰上公殮五牢

賓始始至之禮欲致館後即言之云如致積之

禮者積在道已致故云如之云殮食也者以其
 其芻薪米禾食之類故云食也聘禮使宰夫
 設殮禮物又少故曰小禮饗餼有及將幣交
 腥有牽芻薪米禾又多故曰大禮及將幣交
 擯三辭車逆拜辱賓車進答拜三揖三讓每
 門止一相及廟唯上相入賓三揖三讓登再
 拜授幣賓拜送幣每事如初賓亦如之及出
 車送三請三進再拜賓三還三辭告辟
 音價辟音避○鄭司農云交擯擯者交也賓
 車進答拜賓上車進主人乃答其拜也及出
 車送三請主人三請留賓也三進進隨賓也
 賓三還三辭告辟賓三還三辭謝言已辟去也
 玄謂既三辭主人則乘車出大門而迎賓見
 之而下拜其辱賓車乃前下答拜也三揖者
 相去九十步揖之使前也至而三讓讓入門
 也相謂主人君擯者及賓之介也謂之相者於

外傳辭取入門當以禮詔侑也介紹而傳命
 者君子於其所尊不敢箕敬之至也每門止
 一相彌相親也君入門介拂闈大夫中振與
 闈之間士介拂振此為介鴈行相隨也止之
 者絕行在後耳賓三揖三讓讓升也登再拜
 授幣授當為受主人拜至且受玉也每事如
 初謂享及有言也賓當為價謂以鬱鬯禮賓
 也上於下曰禮敵者曰價禮器曰諸侯相朝
 灌之用鬱鬯無邊豆之薦謂此朝禮畢價賓也
 三請三進請賓就車也主君每三請車三進
 欲遠送之也三還三辭主君一請者賓亦一
 還一辭○闈魚列反振直庚反行戶剛反○
 疏曰此並在主君大門外賓去門九十一步而
 陳九介主君在大門外之東陳五擯上擯入
 受命出請事傳辭與承擯承擯傳與末擯末
 擯傳與末介末介傳與承介承介傳與上介
 上介傳與末賓又傳與上介上介傳與承介
 承介傳與末介末介傳與末擯末擯傳與承
 擯承擯傳與上擯上擯入告君如是者三謂
 之交擯三辭諸交擯者例皆如此也車逆拜

辱者傳辭既訖主君乘車出大門至賓所下
車拜賓屈辱來此也賓車進答拜者賓初升
車進就主君主君下賓亦下車答主君拜也
三揖者主君遙揖賓使前北面三揖讓入大門
也云每門止一相揖者既入門西面東至祖廟
之時祖廟西仍有一廟以其諸侯五廟始祖
廟在廟中兩傍各有二廟各別院為之則有二
門門傍皆有南北北隔牆隔牆皆通門故得有
每門若不然從大門內即至祖廟之門何得
有每門而云門止一相揖乎故為此解也云上
相入者相入即上揖上介云三揖者亦謂入
門揖當曲揖當碑揖也云三讓登者至階主
君讓賓賓讓主君如是者三主君先升云再
拜授幣者授當為受賓主俱升主人在階
上北面拜乃就兩楹間南面賓亦就主君賓
授玉主君受之故云再拜受幣也云賓拜送
幣者賓既授乃退向西階上北面拜送幣乃
降也先鄭言主人答拜後鄭不從者車逆拜
辱已是在主人今云車進答當是客何得主人
再答拜所言三請留賓後鄭亦不從者行朝

享禮賓訖送賓出禮既有限何因更有留賓
之事云介紹而傳命者此聘義文案彼介紹
而傳命謂聘者旅擯法引證此交擯者但紹
繼也謂介相繼而陳則交擯皆得為紹故此
交擯亦得紹介而傳命也案彼注質謂正自
相當賓主不敢正自相當故須擯介通情也
云君入門以下本記文君入門不言所拂者
朝君入由闈西亦拂闈不言之者君特行不
與介連類故不言也介拂闈者上介隨君後
與大夫士介自為雁行於後也聘禮介皆入
廟門門西西北面西上故知此君介亦入門
西北面西上可知故云絕行在後後亦入廟
也謂享及有言也者案聘禮享夫人下云若
有言束帛如享禮是也云上於下曰禮敵者
曰償者大行人云王禮再裸而酢之屬是
上於下曰禮此諸侯云償是敵者曰賓也
饗餼還圭饗食致贈郊送皆如將幣之儀
環又音旋食音嗣下皆同○此六禮者惟饗
食速賓耳其餘主君親往親往者賓為主
人

主人爲賓君如有故不親饗食則使大夫以
酬幣作幣致之鄭司農云還圭歸其玉也故
公子重耳受後反璧玄謂聘以圭璋禮也享
以璧琮財也巳聘而還圭璋輕財而重禮贈
送以財既贈又送至郊○疏曰案公食大
夫禮君親食之君不親食則以幣致之聘
禮云公於賓壹食無饗上介壹食壹饗若不
親食致之有幣致饗以酬幣以此知二者者
皆速賓也聘禮云君使卿歸饗餼又云賓迎
于門外又云大夫東面致命君使卿還玉于
館賓迎于外門外不拜帥大夫以入以此二
者知賓爲主人主人爲賓致贈亦送亦然可
知也聘禮乃君於臣此兩君敵明主君親爲
之矣先鄭云云于重耳事見左傳僖公二十
三年但彼反璧者義取不貪寶意非還圭故
後鄭不從也後鄭謂聘以圭璋禮也者聘義
云以圭璋聘重禮也謂行聘禮也云享以璧
琮財也者貢財貨時用璧琮以致之故云財
也云贈送以財者聘禮賓遂行舍于郊公使
卿贈如覲幣注云言如覲幣見爲反報是贈

并送至賓之拜禮拜饗餼拜饗食鄭司農云
于郊送賓所當拜者之禮也所當拜者拜饗
者因言賓所當拜者之禮也所當拜者拜饗
餼拜饗食玄謂賓將去就朝拜謝此三禮三
禮禮之重者也賓既拜主君乃至館贈之去
又送之于郊○疏曰案聘禮饗餼燕羞餼
之明日賓皆拜於朝將去又三拜乘禽于朝
彼臣故盡拜謝此賓之拜禮在致贈郊送之
下則不及燕羞餼燕羞餼乘禽以其君略將
去惟拜其大禮也案聘禮賓三拜乘禽於朝
遂行舍于郊公使卿贈若然此致贈郊送在
拜禮後今設文在前者欲取如將幣之儀故
進文在前其贈送合在後也云下賓既拜主君
乃至館贈之去又送之于郊者鄭以贈送之
文在前拜禮在後恐疑顛賓繼主君皆如主
國之禮也鄭司農云賓繼主君復主人之禮費
者儻主君也儻之者主君郊勞致館饗餼還
圭贈郊送之時也如其禮者謂玉帛皮馬也

有饌陳之積者不如也若饗食主君及燕亦
速焉○費芳味反○疏曰後鄭不從先鄭復
主人之禮之說者以主人禮費既多非實所
能復也後鄭以為償主君者案聘禮君遣卿
勞及致館等皆償償者報也上注云敵者曰
償故此報主君為償案聘禮云賓至于近郊
君使卿朝服用束帛勞又云賓用束帛勞
者君使卿朝服用束帛勞又云大夫奉束帛
云賓降授若幣出迎大夫注云出迎欲償之
庭實設馬乘賓降堂受若束錦賓奉幣西面
大夫東面賓致幣是皆有償法彼兩臣有償
此兩公有償可知也然彼聘禮君使卿致館
無幣故亦無償臣於君雖他國亦不敢速君
饗食此兩君故不同也主君有故不能親以
侑幣酬幣致諸侯諸伯諸子諸男之相為賓
也各以其禮相待也如諸公之儀賓主相待之儀與諸
公同也饗餼饗食之禮則有降殺○殺色界
反○疏曰五等諸侯以命數分為三等其圭

璋饗餼殮積步數擯介皆降殺備於大行人
掌客其進退升降揖讓之儀與公同故云
如諸公之儀凡諸侯之禮上公五積皆眡殮牽
三問皆脩羣介行人宰史皆有牢殮五牢食
四十簋十豆四十鉶四十有二壺四十鼎簋
十有二牲三十有六皆陳饗餼九牢其死牢
如殮之陳牽四牢米百有二十筭醢醢百有
二十甕車禾眡死牢牢十車車三秣芻新倍禾
五藪車禾眡死牢牢十車車三秣芻新倍禾
皆陳乘禽日九十雙殷膳大牢以及歸三饗
三食三燕若弗酌則以幣致之凡介行人宰

史皆有殮饗餼以其爵等爲之牢禮之陳數
唯上介有禽獻夫人致禮八壺八豆八籩膳
大牢致饗大牢食大牢卿皆見以羔膳大牢
侯伯四積皆眡殮牽再問皆脩殮四牢食三
十有二籩八豆三十有二釧二十有八壺三
十有二鼎籩十有二脛二十有七皆陳饗餼
七牢其死牢如殮之陳牽三牢米百筥醯醢
百甕皆陳米三十車禾四十車芻薪倍禾皆
陳乘禽日七十雙殷膳大牢三饗再食再燕
凡介行人宰史皆有殮饗餼以其爵等爲之

禮唯上介有禽獻夫人致禮八壺八豆八籩
膳大牢致饗大牢卿皆見以羔膳特牛子男
三積皆眡殮牽壹問以脩殮三牢食二十有
四籩六豆二十有四釧十有八壺二十有四
鼎籩十有二牲十有八皆陳饗餼五牢其死
牢如殮之陳牽二牢米八十筥醯醢八十甕
皆陳米二十車禾三十車芻薪倍禾皆陳乘
禽日五十雙壹饗壹食壹燕凡介行人宰史
皆有殮饗餼以其爵等爲之禮唯上介有禽
獻夫人致禮六壺六豆六籩膳眡致饗親見

卿皆膳特牛

或丈如反乘繩證反下注同食

音嗣下食大牢再食壹食注不食同見賢通反下注以意推之積皆視殮牽謂所共如殮而牽牲以牲不殺也殺則無銅鼎簠簋之實其米實于筐豆實于甕其設筐陳于櫪內甕陳于櫪外牢陳于門西車米未芻薪陳于門外壺之有無未聞三問皆脩脩脯也上公三問皆脩下句云羣介行人宰史皆有牢君用脩而臣有牢非禮也蓋著脫字失處且誤耳殮客始至致小禮也公侯伯子男殮皆鉶一牢其餘牢則腥食者庶羞美可食者也其設蓋陳于櫪外東西不過四列簠稻梁器也公十簠堂上六西夾東夾各二也侯伯八簠堂上四西夾東夾各二子男六簠堂上二西夾東夾各二豆菹醢器也公十四豆堂上十二西夾東夾各十二侯伯十二豆堂上十二西夾東夾各十子男十四豆堂上十二西夾東夾各六禮器曰天子之豆二十有六諸公十有六諸侯十有二上大夫八下大

夫六以聘禮差之則堂上之數與此同銅羹器也公銅四十二侯伯二十八子男十八衰差也二十十八書或為二十四亦非也其於衰公又當三十一又為無所據依禮之大數銅少於豆推其衰公銅四十二宜為三十八蓋近之矣則公銅堂上十八西夾東夾各十侯伯堂上十二西夾東夾各八子男堂上十西夾東夾各四壺酒器也其設於堂夾如豆之數鼎牲器也簠黍稷器也鼎十有二者鉶一牢正鼎九與倍鼎三皆設于西階前簠十有二堂上八西夾東夾各二合言鼎簠者牲與黍稷俱食之主也牲當為腥聲之誤也腥謂腥鼎也於侯伯云腥二十有七其故腥字也諸侯禮盛腥鼎有鮮魚鮮腊每牢皆九為列設于阼階前公腥鼎三十六腥四牢也侯伯腥鼎二十七腥三牢也子男腥鼎十八腥二牢也皆陳陳列也殮門內之實備于是矣亦有車米禾芻薪公殮五牢米二十車禾三十車侯伯四牢米禾皆二十車子男三牢米禾二十車芻薪皆倍其禾養餼既相見致

大禮也。大者，既兼。殯積，有生有腥，有孰餘。又
多也。死，牢如殯之陳，亦飪一牢。在西，餘腥在
東也。牽，生牢也。陳于門西，如積也。米，橫陳于
中庭，十為列，每管半斛。公侯伯子男，黍梁稻
皆二行，公稷六行，侯伯稷四行，子男二行。醢
醢，夾碑從陳，亦十為列。醢在碑東，醢在碑西。
皆陳於門內者，於公門內之陳也。言車者，衍
字耳。車，米載米之車也。聘禮曰：十斗曰斛，十
六斗曰籩，十籩曰乘。每車乘有五，籩則二十，
四斛也。禾，稟實并刈者也。聘禮曰：四乘曰筥，
十筥曰稷，十稷曰秬。每車三秬，則三十稷也。
把，聘筥讀為棟，栝之栝，謂一檉也。皆陳橫陳
門外者也。米在門東，禾在門西。芻薪雖取數
千，禾薪從米芻從禾也。乘禽，乘行羣處之禽。
謂雉，鴈之屬，於禮以雙為數。殷中也。中，又致
膳，示念賓也。若弗酌，謂君有故不親饗，食燕
也。不饗，則以酬幣致之。不食，則以侑幣致之。
凡介行人，宰史、旅、甸、從、賓者，也行人，主禮宰
主，具史、主書，皆有殯饗餼尊，其君以及其臣

也。以其爵等為之。牢，禮之數。陳爵，卿也。則殯
二牢，饗餼五牢。大夫也。則殯大牢，饗餼三牢。
士也。則殯少牢，饗餼大牢也。此降小禮，豐大
禮也。以命數則參差難等，略於臣用爵而已。
夫人致禮，助君養賓也。邊豆，陳于戶東。壺，陳
于東序。凡夫人之禮，皆使下大夫致之於子
男。云膳視致饗，言夫人致膳於小國，君以中致
饗之。禮則是不復饗也。饗有壺酒，卿皆見者。
見于賓也。既見之，又膳之，亦所以助君養賓。
也。卿見又膳，此聘禮。卿大夫，勞賓，餼賓之類。
與於子男，云親見卿皆膳，特牛見讀如卿，皆
見之。見言卿於小國之君，有不故造館見者。
故造館見者，乃致膳。鄭司農說：牽云牲，可牽
行者也。故春秋傳曰：餼，牽竭矣。耗讀為耗，耗
麻，谷之耗。○飪，而甚反。衰，初危反。下同。差，初
佳反。又初宜反。倍音裴。行，戶剛反。下以意推
之。從子容反。稟，古老反。并必政反。稷，本又作
總。子工反。又音摠。相音呂。才計反。參，初林
反。差，初宜反。復，扶又反。勞力報反。造，士報反。
秬，徐音姊。○疏曰：云上公五積，皆賦。殯牽者

公國自相朝是上公之禮有五積皆視殯一積
 雖一積殯五牢五積則二十五牢言牽者
 數雖一積殯則殺積全不殺並生致之故云
 牽侯伯四積亦皆既殯牽四牢一積既一
 積則一積四牢惣十六牢亦牽不殺子男三
 積積亦既殯殯三牢一積三牢三積九牢亦
 牽之既不殺也必牽之既不殺者以其在道分置
 豫牲故不殺之也既云既殯殯則有芻薪米
 禾之等故鄭解積皆依殯解之也云不殺則
 無銅鼎者銅鼎即陪鼎是也但殺乃有銅鼎
 不殺則無銅鼎可知侯伯子男皆然鄭云簋
 簋之實已下皆約公食大夫解之鄭云三問
 皆脩脩脯也對文脩是鍛脩加薑桂捶之者
 脯乾肉薄者散文脩脯一也云著脫字失處
 者案下文凡介行人宰史皆在饗食燕下此
 特在上或見下文脫此語著於此或於下著
 訖此剩不去故云然也下文皆云凡介此云
 羣介故誤耳云殯小禮者案聘賓大夫帥至
 館卿致館即云宰夫朝服設殯是其客始至
 之禮言小禮者對饗餼為大禮也云公侯伯

子男殯皆鉶一牢其餘牢則腥者下惟言腥
 不言鉶此有鉶及鼎皆為鉶一牢而言以是
 經雖不言鉶須言鉶之矣云其餘牢則腥腥
 之數備於下也云食者庶羞之美陳于楹外
 東西不過四列者前所陳皆約公食大夫致
 食之禮今案公食若不親食庶羞陳于碑內
 者設殯之時堂上皆有正饌無容庶羞之處
 楹外既空不須向碑內及堂下故疑在楹外
 陳之十以為列故四列也公食陳于碑內者
 由饗陳于楹外故在下也云簋盛稻粱以下
 皆約公食及聘禮致饗餼文裁之云公四
 豆堂上十六至各六鄭以堂上豆數取聘禮
 致饗餼於上大夫八豆下大夫六豆並是堂
 上豆數又取禮器天子之豆二十有六諸公
 十有六諸侯十有二謂侯伯子男同則亦是
 堂上豆數可知以此文公言四侯伯三十
 二子男二十四其堂上豆數既約聘禮與禮
 器東西多少鄭以意差之與此同也云銅羹
 器也者銅器名銅器所以盛脚臠臠三等之
 羹故為銅羹云公銅四十二侯伯二十八子

儀禮卷之八非衰差也者衰差之法上下節級似
若九若七若五校一節是衰差今公四十一二
侯伯二十十八子男十八公於侯伯子男大縣
絕故云非衰差也云二十十八書或為二十十四
亦非也者侯伯若二十四為比公四十二校
十八又或以二十四比子男十八校六亦非其
類故云亦非也云推其衰公銅四十一宜為
三十八蓋近之者子男十八侯伯二十一公
銅堂上十八西夾東夾各十侯伯堂上十二
西夾東夾各八子男堂上十西夾東夾各四
知如此差者亦約聘禮致饗餼兼以意準量
而言云鼎牲器也者謂車牲體之器云蓋黍
稷器也者鼎十有二者一牢正鼎九與陪
鼎三皆設于西階前者其陪鼎三設于內廉
云簋十二者堂上八西夾東夾各二知設如
此者約聘禮而知之也牢鼎九者謂牛羊豕
魚腊膚與腸胃鮮魚鮮腊陪鼎三者脚臠臠
也云合言鼎簋以牲與黍稷俱食之主者黍
稷與眾饌為主牲與羞物為主是俱得為食

之主也此五等諸侯同簋十二案聘禮致饗
饋堂上八簋東西夾各六簋物二十簋彼臣
多此君少者禮有損之而益故也云牲當為
腥聲之誤也腥為腥鼎也於侯伯云腥二十有
七其故腥字者子男亦云牲十八是亦當為腥
也云諸侯禮盛腥鼎有鮮魚鮮腊云云者此
皆約聘禮設饗而言案彼飪一牢在西鼎九
羞鼎三腥一牢在東鼎七致饗餼云腥二牢鼎
二十無鮮魚鮮腊設于阼階前西面陳如飪
鼎二列此云三十一故知有鮮魚鮮腊也云
殮門內之實備仍有車米等是以云亦有車
米禾芻薪也云云公殮五牢米二十車禾二十
車已下皆約饗餼死牢而言以其饗餼云死
牢如殮之陳上公五牢死侯伯四牢死子男
三牢死皆如殮之陳明此米禾數如此云芻
薪皆倍其禾者亦約饗餼禮也若然案聘禮
米禾皆二十車者彼大夫禮豐小禮大夫殮
二牢故米禾皆抵之米禾各二十車也云大
者既兼殮積有生有腥有孰餘又多也者假
令上公饗饋九牢五牢死四牢牽上公五積

此賚_三殯_一牽_一則是一積五牢言兼殯死五牢與殯同若言兼積則止兼四而不兼盡今乃言兼積者以其牽與積同故云兼之也侯伯子男皆兼積不盡言餘又冬者謂米禾芻薪醯醢芻米之屬云牽生牢也陳于門西如積者亦橫陳于門西而東上云米橫陳于中庭十為列每管半斛知然者前殯之陳及積之陳皆約聘禮致饗餼法今於此文積在前已說故以此饗餼向前如之故云如積也言如積則亦如聘禮饗餼也今此自米已下還約聘禮致饗餼法云公侯伯子男黍梁稻皆二行公稷六行侯伯稷四行子男稷二行者彼云米百管皆半斛設于中庭十以爲列北上黍梁稻皆二行稷四行此以增稷餘不增故知公稷六行子男八管黍梁稻各二行更得二即足故知稷二行云醯醢夾碑從陳亦十為列醯在碑東醢在碑西者彼注云夾碑在庭之中央也醢在東醢穀陽也醢肉陰也言夾碑故知從陳然侯伯醢醢百管米百管上介管及饗如上賓士介四人米百管比數多

于子男與侯伯等者上公醢醢百二十饗與王舉百二十饗同故鄭志云此公乃二王後如是王之上公與侯伯俱同百饗子男八十饗其管米皆同饗數此是尊卑之差至於聘禮乃是臣法自爲一禮不相與亦是損之而益言車衍字者言車載米之車不合在醢醢下言之又案侯伯子男醢醢下皆無車字故知衍字也謂一齊也者齊即詩云此有不斂穧穧即鋪也云於禮以雙爲數者即此九十五十及士中日則二雙皆以雙爲數是也云若弗酌以下皆約聘禮文不言致燕者饗食在廟燕在寢禮惟言致饗食者以合在廟嚴疑之事不親即須致之燕禮褻不親酌蓋不致也云凡介行人鄭云行入主禮宰主具史主書者案王制云大史典禮執簡記大史職亦云執其禮事與此史主書行人主禮違者大史在國則專主書故曲禮云史載筆士載言此云史止謂大史之屬官以其有爵等故知也云行人主禮者主賓客之禮大行人之類是也案聘禮云史讀書宰執書告備具于

君又掌饌具故公食大夫云宰去具饌于房是掌具也云爵卿也則殮二年饗餼五牢已下皆約聘禮賓之卿上介之大夫士介四人歸饗餼降殺而言也云此降小禮豐大禮也者小禮謂殮殮則去君遠矣并乘禽之等皆是小禮也大禮謂饗餼卿五牢子男卿與君等是豐大禮也云以命數則參差難略於臣用爵而已者依命公侯伯卿三命大夫再命士一命子男卿再命大夫一命士一命并有大國孤一人四命是從孤已下通一命不命有五等若以此命數五等為之則參差難可等級略於臣用爵而已爵則有三等易為等級也言略於臣用爵則君不依爵而用命即諸侯爵五等命惟三等大行人掌客皆依命是也云夫人致禮以下是聘禮致饗餼下大夫韋弁歸禮堂上邊豆設於戶東東上亦以並東陳注設於戶東辟饌位壺設于東序北上南陳醜黍清皆兩壺約此故知之也若然不使卿者案內宰云致后之賓客之禮注謂諸侯朝覲及女賓之賓客內宰是下大夫

王后尚使下大夫况諸侯夫人乎故知使下大夫也云於子男云膳視致饗至饗有壺酒者公侯伯夫人致禮則云八壺八豆八簋與膳大牢致饗大牢三者各別於子男夫人則云膳視致饗鄭云饗有壺酒則致膳無酒矣故云饗有酒若然子男夫人於諸侯惟有二禮以聘禮夫人於聘大夫直有豆壺又不致饗是其差也云卿皆見至亦所以助君養賓言亦者亦大夫也云卿既見又膳此聘禮大夫勞賓餼賓之類與者案聘禮畢賓即館卿大夫勞賓賓不見大夫奠鴈再拜上介受注云不言卿卿與大夫同執鴈下見於國君周禮凡諸侯之卿見朝君皆執羔上介亦如之又云餼賓大牢米八筐上介亦如之朝君有膳無勞餼聘客有勞餼無膳明此事相當故云勞賓餼賓之類與云於子男云親見卿皆膳特牛見讀如卿皆見之見者上公侯伯直云卿皆見以羔於子男即云親見卿作文有異此言親見卿似朝君親自來見卿有嫌故讀從上文卿皆見以兼之明此見

儀禮經傳通解卷第二十三
亦是卿見朝君二卿之內有見者有不見者
若故造館見則致膳若不故造館見則不致
膳也云杜讀為杜秬麻谷之杜者時有此言
故從之詩云萬億及秬亦數之杜也
鋪各川麻者數把共為一鋪言此者
見杜為束之杜也○掌客

諸侯相朝義第四十二 邦國禮五之下

記

諸侯相朝之禮各執其圭瑞服其服乘其輅
建其旌旂施其樊纓從其義車委積之以其
牢禮之數所以別義也介紹而相見君子於
其所尊不敢質敬之至也君使大夫迎于境
卿勞于道君親郊勞致館及將幣拜迎于太

門外而廟受北面拜貺所以致敬也三讓而
後升所以致尊讓也敬讓也者君子之所相
接也諸侯相接以敬讓則不相侵陵也此天
子之所以養諸侯兵不用而諸侯自為正之
具也君親致饗既還圭饗食致贈郊送所以
相與習禮樂也諸侯相與習禮樂則德行修
而不流也故天子制之諸侯務焉

儀禮經傳通解卷第二十三

禮記經傳通考卷二十三

而不敢也天子歸之歸於天子
時與時歸樂也歸於時與時歸樂也
具也時歸樂也歸於時與時歸樂也
于之時也歸於時與時歸樂也
歸於時與時歸樂也歸於時與時歸樂也
歸於時與時歸樂也歸於時與時歸樂也
歸於時與時歸樂也歸於時與時歸樂也
歸於時與時歸樂也歸於時與時歸樂也

